

說

鈴

前集


九止

救文格論  
 雜錄  
 匡廬紀遊  
 坤輿外紀  
 臺灣紀畧  
 又安南記遊  
 峒谿織志  
 泰山紀勝

內閣文庫			
三七函	二四冊	三七〇號	漢書類

漢書門			
二四冊	一〇架	三七〇號	漢書類

內閣文庫		
番號	漢	3170
冊數	24	( 9 )
函號	371	51






文格論

論史家之誤

紀傳之繆後人猶能正之表志則讀者罕矣故有千年而未正者  
 漢書王子侯表中長沙頃王子高成節侯梁一卷中兩見一始元  
元年正月癸卯封然則王子中多一侯矣後漢書地理志侯城改  
 屬玄菟而遼東復出一侯城無處故屬遼東屬國而遼東復出一  
 無慮必有一焉宜刪者然則天下却國中少二城矣夫以三劉之  
 精核章懷太子之詳明馬貴與之淹博而皆仍其失又何與是雖  
 讀史者之所忽而不可不察也  
 元史列傳八卷連不台九卷雪不台一人作兩傳十八卷完者都



淺草文庫

崑山顧炎武寧人著





二十卷完者，按都亦一人作兩傳，其成書不出于一人之手。宋濂序云：洪武元年十二月，招修私史，臣濂臣諱總裁。二年二月丙寅開局，八月癸酉書成，紀三十七卷，志五十三卷，表六卷，傳六十卷。順帝時無實錄可徵，因未得為完書。上復詔儀曹遣使行天下，其涉于史事者，令郡縣上之。三年二月乙丑開局，七月丁亥書成，紀十卷，志五卷，表二卷，傳三十六卷。凡前書有所未備，頗補完之。總裁仍濂諱二臣，而纂錄之士，獨趙璘終始其事。然則元史之成，雖不出于一時一人，而宋王三公與趙君亦難免于疎忽之咎矣。明太祖嘗命解縉修正元史，舛誤其書，笈中今其訛漏遂傳于世云。

論古人不以甲子名歲

甲乙以下十名，子丑以下十二名，古人用以紀日，不以紀歲。歲則自有闕逢，以下十名為干，因敦以下十二名為支。後人遂謂甲子歲癸亥歲非古也。自漢以前無用者，史記歷書逢攝提格太初元年云：資治通鑑周紀一起著雍攝提格盡玄默因敦云：皆古法也。自經學日衰，人趨簡便，子曰祿不祿此之謂也。以甲子名歲，雖自東漢以下然，其時制詔章奏符檄之文，皆未嘗正用之。其稱歲必曰元年二年，其稱日乃用甲子乙丑，如己亥格庚戌制，皆日也。至宋而始有亂其名者。

如稱登極之年當曰洪武元年，不當曰洪武戊申。稱靖難兵入金川門之年，在少帝時當曰建文四年，在成祖時則當曰洪武三十年。不當曰建文壬午。太祖實錄自吳元年以前，並書于夫不



合法太祖當時實奉小明王之號故有言當紀龍鳳者考之史記  
高帝之初不稱楚懷王元年而稱秦二年三年又太祖御製滁洲  
龍潭碑文云元末帝至正十有四年竊意其時天下尚是元之天  
下書至正合史記書秦之例又有惠書者漢書功臣侯表序漢興  
自秦二世元年之秋楚陳之歲是也  
春秋之世各國皆自紀其元一時發之于言或參互而不易曉則  
有舉其年之大事而為言者若曰會于沙隨之歲叔仲惠伯會郕  
成子于承匡之歲鑄刑書之歲是也又有紀歲星而言若曰歲五  
及鶉火歲及大梁歲在姬訾之日者從後人言之則何不曰甲子  
也癸亥也是知古人不用以紀歲也

論史重書日例

春秋桓公十二年經丙戌公會鄭伯盟于武父丙戌衛侯晉卒  
書日者二事皆當繫日先書公者先內而後外也後人作史凡一  
日再書則云是日

論史家追紀月日之法

或曰鑄刑書之歲是則然矣其下云齊燕平之月又曰其明月則  
何以不直言正月二月乎曰此正史家文字縝密處史之文有正  
紀有追紀其上曰春王正月暨齊平二月戊午盟于濡上正紀也  
此曰齊燕平之月壬寅公孫辰卒其明月子產立公孫洩及止  
以撫之追紀也追紀而再云正月二月則嫌于一歲之中而有兩  
正月二月也故變其文而云古人文法之密也  
左傳追紀之文不止此又考襄公六年傳鄭子國之來聘也四月



晏弱城東陽而遂圍萊甲寅遷之環城傳于堞及柝桓公卒之月  
乙未王湫帥師及正與子靈人軍齊師齊師大敗之丁未入萊  
共公浮桑奔棠正與子王湫奔莒莒人殺之四月陳無宇獻萊宗  
器于襄公晏弱圍棠十一月丙辰而城之二十五年傳會于夷儀  
之歲齊人城知其五月秦晉為成二十六年傳齊人城知之歲其  
夏齊烏餘以廩丘奔晉三十一年傳公薨之月子產相鄭伯以如  
晉昭公七年傳齊師還自燕之月罕朔殺罕魁及晉韓宣子為政  
聘于諸侯之歲姻始生子名之曰元皆是追紀

論史家月日有不必順序

古人作史取其事之相屬不論月日故有追書有竟書左傳成公  
十六年鄆陵之戰先書甲午晦後書癸巳甲午為正書而癸巳則  
因後事而追書也昭公十三年平丘之盟先書甲戌後書癸酉甲  
戌為正書而癸酉則因後事而追書也昭公十三年楚靈王之弑  
先書五月癸亥後書乙卯丙辰乙卯丙辰為正書而五月癸亥則  
因前事而竟書也蓋史家之文章志為日月所拘之事不得以相  
連屬故古人立此變例

論以干支為年號

晉人未即帝位有謙讓止稱元年者有以干支紀者李嵩改元庚  
子實建德改元丁丑蓋云庚子年丁丑年耳近儒不曉遂謂以此  
二字立號然則將有庚子二年丁丑二年身其謬甚矣

論年號地名必全書

唐朝一帝改年號者十餘其見于史必全書無割取一字用之者



至宋始有熙豐政宣乾淳之語已是不敬然猶用上一字惟元豐以元字與元祐無別故用下字本朝文人有稱永宣成弘慶曆者此承宋人之失也地名亦必全用如宛大上江之類亦為不通地名摘用二字如登萊如温台則可如真順廣大則不通矣左思蜀都賦跨躡捷犗是捷為犗犗二郡魏都賦恒碣碣于青雲是恒山碣石二山摘字之法蓋始此時

論古人必以日月繫年

古人紀載之文必以日繫月以月繫時以時繫年自尚書春秋而後之為史者莫能改也亦有不盡然者史記伍子胥傳已知楚昭王出奔庚辰吳王入郢此不月而日也專諸傳四月丙子先伏甲士于窟室中此不年而月也所以然者已見于吳楚二世家故也楚辭攝提貞于孟陬兮惟庚寅吾以降攝提歲也孟陬月也庚寅日也屈子以寅年寅月庚寅日生註曰攝提星名天官書所謂直斗杓所指以建時節者非也豈有自述其世系生辰乃不言年而止言月日者哉

論史家書郡縣同名之例

漢時縣有同名者大抵加東西南北上下等字以為別若郡縣同名而不同地則於縣必加一小字沛治相故書沛縣為小沛廣陽國不治廣陽治薊故書廣陽縣為小廣陽丹陽郡不治丹陽治宛陵故書丹陽縣為小丹陽後人知此者罕矣以今地理言之如大名寧國之類當直書其縣清河永豐之類法當并載其府而宋史



嗣焉故有一人而兩地並祀者

論史書一年兩號

古時人主改元並從下詔之日為始未嘗造改以前之月日也晉書武帝紀上書魏咸熙三年十一月下書泰始元年十二月景寅唐書高宗紀上書顯慶六年二月己未下書龍朔元年三月丙申朔中宗紀上書神龍三年九月庚子下書景龍元年九月甲辰睿宗紀上書景龍四年七月己巳下書景雲元年七月己巳玄宗紀上書先天二年十二月庚寅朔下書開元元年十二月己亥韓文公順宗實錄上書貞元二十一年八月庚子下書永貞元年八月辛丑若此之類並是據實而書至司馬溫公作通鑑慮其紛錯乃創新例必取末後一號冠之于春正月之前當時已有譏之者至

明朝太宗實錄上書四年六月己巳下書洪武三十五年六月庚午正是史臣實書與前代合後人不察而謂革除建文之號非也且如萬曆四十八年九月以後為泰昌元年若依溫公例取泰昌之號冠于四十八年春正月之前則詔令文移一一皆當追改且上誣先皇矣故紀年之法從古為正不以一年兩號三號為嫌史家變亂年號始自隋書大業十二年十一月景辰唐公入京師幸西遙尊帝為太上皇五代王侑為帝改元義寧而下即書云二年三月右屯衛將軍宇文化及等作亂上崩于溫室案此大業十三年煬帝在江都而蒙以代王長安之號甚為無理作文者唐臣不得不爾然于煬帝紀書十三年于恭帝紀書二年兩從其實似亦未害



日分十二時之始

杜氏左傳註云夜半即今之所謂子也雞鳴者丑也平旦者寅也日出者卯也食時者辰也隅中者巳也日中者午也晡時者未也日昃者申也日入者酉也黃昏者戌也人定者亥也一日分為十二時始見于此

雜錄

崑山顧炎武寧人著

秦始言字

春秋以上言文不言字秦始皇琅邪臺石刻始曰同書文字

漢始有反切

昔人謂反切出于西域漢揚雄方言筆謂之不律詩皆有茨註茨蒺藜也語連則為茨縷則為蒺藜此反切之始也

晉宋以下始言韻

宋許觀東齊記事云古者字未有反切故訓釋者但曰讀如某字而已至魏孫炎始作反切其實出于西域梵學也自後殷韻日盛宋周顛始作四聲切韻行于時梁沈約又撰四聲譜以為在昔詞